



袁中郎先生著

破
所
齋
集

繡水周氏家藏



破研齋集敘

泰興朱一馮非二撰

此袁中郎先生瓶花以後未刻
稿也已酉秋友人曹遠生請刻
于秦中而邀余作序余以

使事之餘欲暫歸廣陵無須臾
暇乃于郵亭寄言于遠生曰人
多謂中郎之詩俊逸似太白而
下筆無一點塵似子瞻庶幾篤
論欲別爲引擬終未有若兩言

之肖者遠生其卽以此弁之世
有具通眼者自當不昧茲言也

諸初送王江子白四

過荆門觀家惠泉

卷之四

有具哉則肯自當不却茲言也
之肯肯處主其明以出余之世

破研齋集目錄

卷一

余山居六年矣丙午秋復北上臨發偶成

諸衲送至江干自嘲

過荆門觀蒙惠泉

惠泉見黃平倩大書作字時余同在玉泉今五
年矣

石橋道中

麗陽驛題壁

宜城飲王舍人家留別

襄陽道中逢龍君御君御節鎮西寧便道省太夫人

送君御憲僉治兵甘州

壬辰秋日余與伯修兄俱得請先後出都門

至鄭相及同宿州署今相去十五年伯修厭

世亦六年矣電火驚心山川觸目因書數語

兼示小修方平兩弟

鄴郡夢中詩

鄴城道

黃昭質憲使得銅雀敗瓦割而爲三一以寄乃

兄平倩其二遺余及小修弟

長卿內子無如氏繡佛及諸人物行楷精絕詩以記之

壽雷元亮母太宜人

遊崇國寺得明字

有序

惠安伯園亭同顧升伯李長卿湯嘉賓看牡丹開至五千餘本

浴佛日劉元定邀諸公偕遊高粱橋得爲字
月夜歸來與長孺道舊仍用前韻

題曾太史退如愍齋用十三覃韻

偕曾退如過淨土菴菴少華整主者桂林渚宮

人也

小齋有隙地植花木數本同孝若寓庸賦得松

字

惠安柏園亭看芍藥開至數十萬本聊述數絕
以紀其盛兼贈主人

是日所見皆白樓子仍爲七言近體以紀之

湯嘉賓邀同顧升伯李長卿唐君平遊草橋別

墅

五月十二日退如生辰蒙以詩見示聊述二章

奏報

關侯以次日生又五月十三竹醉日

和退如初度與客談仙次韻

夏五望日興德寺紀遊得興字

湯嘉賓以使事入江西將徧遊諸名勝詩以送

之

早起入 朝書冊午間衝暑走城外別湯嘉賓
晚赴劉元定飲時諸公已半酣賦得原字

集元定行記齋再賦得原字

元定齋不甚寬而布置有態器具亦精餘興未
已仍用原韻賦贈兼訂後來之約

夏日城西月張園看荷花得蓮字

夏日城西園亭聞蟬得陰字

客有贈余宮燭者卽席同劉元定方子公丘長
孺陶孝若賦之

宮簾

夏日劉元定邀同顧升伯沈仲潤李長卿丘長
孺集城西荷亭是日熱甚得暴雨乃解

卷二

萬壽寺觀 文皇舊鐘

蛙飲歎

賦得朱華冒綠池

雲起樓爲澈如賦

夏日過葡桃園賦得薰風自南來

與曾退如過葡桃園話舊偶成

張元平小像贊

送曹遠生進士左遷宜川典史

戲作三星行送曹子野歸楚予亦將歸里

與元定孝若同話歸計用扇頭韻

苦雨吟和曾退如

秋日苦雨和退如太史

七夕同方子公蔣子厚弟小脩避水長孺樓居
爲耿華平題先公冊先公居江陵時以繡衣直

指錄囚不及格被譴

劉元定齋中別諸社友時余有內人之戚

中秋泊潞河看月同子公雲影賦

時余方悼亡

潞河舟中和小修別詩次韻

衛河道中和丘長孺惜別絕句八首次韻

和曾退如別詩次韻

滄州逢瞿太虛運使問及近事偶題

德州舟中逢沈何山

偶作

畢少叅舟中見武錄知丘長孺被落詩以悲之
下邳舟中和子公

宿遷道中阻風和方子公

集平山堂用平山字爲韻借遊者方子兩謝生
也

遊金山寺見舊作有述同遊者兩謝君方子公

張明教及童子二仲也

過三橋莊莊在真州城西余舊遊地也今屬潘

稚恭

鄒子尹偕僧秋水見訪門者不知却之相見乃

一笑

丁未初度泊池陽自壽兼憶李安人

舟中聽王姬彈琴

雪中看山二仲呈詩一章後來似亦粗能者喜
而有作

十二月十八日至蘄陽舍舟從興國走咸寧道
出金牛鎮山路如刀脊飛雪浸空輿人艱窘
幾不能步然千峯綴雪或如鴉鷄或如積瓊

亦行役之一快也道中隨事口占遂得十六
絕句上

雪中投宿棲隱寺寺去大冶五十里在亂山中
立春日金牛道中

廿三日至蒲圻謝中丞出迎時年九十二鶴髮
丹容尚能騎乘真人中瑞也口占二絕以紀
其盛

謝公伯子京兆君時年七十趨走膝下有若稚
子凡謝公拜起俯仰皆京兆君扶之

天寧洲逢老僧一百一歲

江上見數漁舟爲公率所窘

漢陽過王章甫葵園和二仲韻

早春過葵園次蘇潛夫壁間韻余往過此八年
矣

舟中除夕憶李安人

元日登王章甫水明樓

登晴川閣望武昌

偕王章甫陳公弼登黃鶴樓

時章甫子宜卿及
兒子二仲皆從

王章甫送余石頭口因共遊赤壁章甫將歸讀
書九峯山詩以爲別

柳浪館襍咏四首

係壬寅夏作

卷三

過藕花莊

途中口占

去峴首山觀羊叔子墮淚碑

夏日同顧朗哉居士王遺狂遊謝公巖主人于
天野宗侯留飲共賦得途字中字

夏日馮明甫郡公招遊謝公巖同顧朗哉處士
于野宗侯劇飲分韻得千字

卽席用韻贈于野宗侯

又贈朗哉仍用前韻

博望驛

王郡丞邀飲陽和樓

中山劉刺史邀飲西溪

過中山見諸名蹟題清風店壁

登定州開元寺塔同王遺狂

中山觀長公雪浪石

七夕招黃道元丘長孺陶孝若張伯實王遺狂
十弟平子欽小齋得衫字道元先以詩來率
爾奉荅道元永嘉人余時以儀曹改司封

中元日夜歸卽事仍用前韻

重九日登釣魚臺限韻

杪秋陪祀 山陵同陶孝若黃道元謝響泉入

仙人洞洞竒絕去馳道二里許

四樂精舍銘

有序

三教堂詩爲杜總戎日章

黃竹石入都匆匆告去筵上作詩爲別得丞字

至日集山響齋送陶孝若論祁門限韻

嘲謝道人白鬚

蘇潛夫侍御買燕姬爲賦合歡詩

上元日同王遺狂過燈市得來字

方子公自真州入燕客死清源詩以哭之

聞閣試題爲蘭亭脩禊圖效作二首

殘冬選曹乏人戴星出入不覺過春感而賦此

初授司功副郎

寒食高梁橋

暮春偕蘇潛夫丘長孺李茂實僧寶方雪照出
郭

暮春偕同署諸君子飲郭外

暮春同王以明丘長孺蘇潛夫魏二方遊韋氏

莊得寬字

暮春遊韋氏莊憶十二年前先伯脩暨顧升伯
李長卿偕遊此地今伯脩去世八年顧李二

兄新以言去古人云未免有情誰能遣此潛
然久之

送醫者黃生謁東諸侯

送從軍羅山人還大足

壽畢侍御兩尊人

散木至自公安

初夏偕同署諸君子飲西郊池亭仍用前韻

無題送顯宗禪師南歸

將赴秦中同志諸公于郭外作別得書字

借朱非二汪以虛段徽之雨中投與教寺望南

山口舌

秦中雜咏

過華清宮浴湯泉有述

登太華絕頂同非二兄賦

岳頂歸至青柯坪示同遊道人

破研齋集目錄終

袁中郎破研齋集卷一

長安郭
振聲
請

公安袁宏道中郎甫著

繡水洪邦基慶之甫校

余山居六年矣丙午秋復北上臨發偶成

又被閒驅出冥鴻那可飛添多新蒜髮與盡舊荷衣

柳密雲侵郭荷長水漫磯鷗鳧爭作語客子幾年歸

諸衲送至江干自嘲

油江渡二十年中五番去餐雲醉石幾經春畢竟驅

上長安路油江上柳如雲江若有知應移文隔谿老

納笑且語塞耳喧呼如不聞

過荆門觀蒙惠泉

雲過山城沒谿回磴道平一漚淙石底萬戶枕泉聲
童子將茶去僧雛負鉢行居人傳好語得似長官清

時州人爲言
雷守甚清

惠泉見黃平倩大書作字時余同在玉泉今五
年矣

金龍池上作書時牙管如飛我亦隨花底披綃雲漱
灑橋邊濡髮水淋漓閑中偶和天台偈茶罷曾尋李

白詩何日青山偕舊侶夜窓聽雨界烏絲

石橋道中

上上仄岩顛清溪落馬前陂陀聊作館磽确以爲田
人出斜山照鷄鳴廢寺烟亭翁顏半赭知得有豐年
麗陽驛題壁

近驛辯語聲入驛知面貌昔當歲稔時驛人奔浩浩
牽爺負男女南出荆門道公安彈丸地饑兒相號召
傭力及賃春經歷幾寒燥幸爾值稔年次第還井竈
鄉音半相襍衣服宛然肖道傷垂白翁昔見年猶少

見我感且泣壺漿相迎勞垂頭語老翁邑中今苦澇
窪田無寸收高鄉有虫耗部符搜宿逋縣家敢遲驚
鬻田田不售兒女輸官鈔壯者思逃移溝壑生難料
此鄉小有年敝邑敢相告願作廡下兒驛人勿嘲笑
宜城飲王舍人家留別

柏葉如丹鄆水濱芙蓉花裡駐蹄輪尊前齊贅能詠
語甕裡杜康苦泥人白日共驚頭上雪青衣爭掃鬢
間塵鷄聲喔喔催行李到底輸君自在身

邑有淳于
髡杜康墓

襄陽道中逢龍君御君御節鎮西寧便道省太

夫人

征馬隔林鳴雙旌忽昔月行白頭撩遠夢紅樹促歸程
銀管書生去鐵衣老將迎羌胡知姓字檄草在邊城

君御舊通
守此地

送君御憲僉治兵甘州

秋盡天山道幾盤蕭蕭韎韐塞霜寒材官似雪分行
出胡女如花隘路看白鼻騮前回舞袖青油幕底拜
呼韓知君解得從軍樂不畏沙場行路難

歷盡邊霜與塞雲舊題名處墨氤氳
將麟鳳誇殊俗也使侏僂識古文
漢世才人求屬國晉家詞客帶
將軍腐儒半尺毛錐子大纛高牙得似君

三

十萬貔貅擁火旗角巾紈扇坐麾時
閨中莫道腰圍減塞上難辭鬢髮絲
鼙鼓靜來朝散帙氍毹遮處夜
聞棋邊人慣唱伊涼曲好譜新詞與雪兒

四

寶劍犀弓大羽囊軍中聊作健兒裝
一函雲卷天驕

檄十里風吹侍史香胡月澄江真快士
修髯白面舊儒郎也知陶侃無高韻
謝却樗蒲與老莊

壬辰秋日余與伯修兄俱得請先後出都門
至鄭相及同宿州署今相去十五年伯修厭世
亦六年矣電火驚心山川觸目因書數語兼示
小脩方平兩弟

十五度春秋漚花轉眼休含悲上東里無路避西州
孤月傷鴻陣寒雲障馬頭對床今夜雨清淚幾行流

鄴郡夢中詩

枕上見青天，明月光流地。空水色相函，千里無停翳。
微雲起天末，繚繞忽成字。或散或披絲，或纍若椎髻。
以上夢中作屬思尚未竟，候人催解轡。攜夢入征途，馬上
猶吟嚙。翹首望漳河，停鞭思魏帝。

鄴城道

何處魏離宮，荒烟斷葦中。獵蹄晴捲雪，高隼怒盤風。
苑古梧桐禿，墻崩枸杞紅。空臺與流水，想像舊簾櫳。

梧桐禿出
自香山

二

白日悲難駐，英雄誰不然。魚膏焚地底，蛾黛哭生前。
南國香成霧，西山石化烟。人間絕快事，天子作神仙。

三

碧草漲寒塘，菖蒲花不香。山禽猶翠羽，野果尚丹房。
殘粉迎新帝，妖魂逐小郎。曹家兄弟好，無那太滄荒。

四

且著雙眉目，休隨俗笑嚙。簾前搥鼓吏，床上捉刀人。
胡粉裝尤恠，蔗竿舞入神。精光如可畫，寧與魄俱塵。

五

樓外羌雛嘯宮中寡婦悲好還不再世克狡亦何爲

六

近得銅臺瓦重來五十鍰無方鬢白髮空自治青山
上馬蒐才藻橫戈按髻髮霸圖今已矣文采照人間

七

什去前王碣耕來故國墳蜂巢無兩大鬼窟有三分
夜火生空樹陰龍戰野雲美人何處所試與定遺文

八

且勿度前村白楊路漸昏一丘文字鬼千古戰爭魂
曆數孫曹閏風流魏晉繁成蹊人自省桃李不須言

九

謀士虎兼龍三家霸局同文章分鼎足才品第英雄
齷齪司徒後昏頑鍛錫公陳琳檄自有誰可愈頭風

十

校盡中原士初逢國手棋孫郎爭一道劉胄僅雙
石悍刃方利風高海始竒唐宗與宋祖應悔不同時
黃昭質憲使得銅雀敗瓦割而爲三一以寄乃

兄平倩其二遺余及小修第

雕題蔽日楯連雲曾見英雄話使君近日騷壇誰鼎足眼中依舊是三分

二

土蝕霜凋字半塗雲霞千古潤肌膚豐城獄底渾閒物供得張華用也無

三

池波爲墨筆爲墻爭似卿家老右軍我是漢朝金目碑麓毫焉可試羅文

四

卯君囊却上公車梵字毘邪應滿廬自笑蒙莊老弟

子南華又作一通書

時平倩病方痊

長卿內子無如氏繡佛及諸人物行楷精絕詩以記之

湖絲細嫩嬰兒髮水光灑灑春雲潔憑將聖手劈秋毛巨斧劃開枯筒節十日一眼九日眉勾出白毫光滿月衣摺瘦健貌清古筆墨無功哇徑絕白描設色種種工活奪龍眠與松雪橫見側出燈取影有意無

意鴻沒滅絳州淳化老定武鍼鋒摹出無差別誰能
紙上卧王濛要使屨充走殷鐵堂上傳視色生動四
坐欲言口無舌唐鈞森緊損神情宋繡阿娜無筋骨
長卿秀句奪雲烟佳兒指上現青蓮一家淨侶團團
語大勝詩人王鞞川

壽雷元亮母太宜人

樹樹新鶯啼曉暉春風南國笋初肥花前白髮光垂
地天上紅雲繡遠衣孺子榻香芝數本麻姑山近柏
千圍使君自是一鳧侶趁取青溪老鶴飛

遊崇國寺得明字

有序

往與家伯修潘去華江進之黃平倩劉明自吳本如
段徽之諸公結社于崇國葡萄方丈相去七年存亡
出處遂如隔世丁未春暮與龍君超陶孝若丘長孺
李元善劉元質重經此地泣下不能自止聊述數語
以志今昔

入寺稀人識僧雛盡老成花猶香廢苑石莫話前生
壁上苔棲墨廊間雨壞楹春衣能幾日又復過清明

又

只作幽探計如來與證明出門皆黛色入寺有泉聲
酒似溪光嫩身如雲影輕閒官無別侶頭白舊方情
惠安伯園亭同顧升伯李長卿湯嘉賓看牡丹
開至五千餘本

古樹暗房櫳登樓只辨紅分畦將匝地合醖欲焚空
蝶醉輕綃日鶯捎煖絮風主人營一世身老衆香中

二

通國皆狂死誰家解滿欄徑湏一石醉消得幾生看
小榭迎初月層嵐作晚寒攜歸纔數朶掩盡百羅紈

浴佛日劉元定邀諸公偕游高粱橋得爲字

節是祗園會謹同曲水池妖童歌串亂天女髮華隨
是樹皆停蓋無波不泛卮魚龍與角觝樂事看君爲

二

萬隊千騎出燕遊第一時繁華雖有態烟水未曾知
西去層層岫東來面面池胸中好丘壑借與主人爲
月夜歸來與長孺道舊仍用前韻

盛事那堪記衰來亦自悲看窮烟柳地老盡露桃枝
美酒休論石稅花莫計池平生心種種難及壯時爲

都人市花者以一方爲一池

題曾太史退如憨齋用十三覃韻

底事欲名憨百城卧老蟬愚公谿正北痴叔舍偏南
罔象珠懸幕無懷籍蒲函花頭羞豔豔燕口怯喃喃
庭而空心樹窓凝太古嵐侍兒修渾沌稚子學沉酣
杜口非無舌忘情似不男

佛經有五不男借言無慾也

已耳中散七未害虎頭三乞巧樓全卸醉鄉路可探
知亡如守墨想盡類修曇兀兀迦陵藪茫茫甕爾蚕
無絃琴亦不語謎須叅一枕莊周化多方惠子慚

盲方醫後見黑味飽時甘坐挈雲將去神行不用駢
偕會退如過淨土菴菴少華整主者桂林渚宮
人也

像設都非麗䟽題亦不紅花移半檻日槐老一庭風
寓目皆成淡諸方敢鬪空到門有醉客鄉里舊山公
小齋有隙地植花木數本同考若寓庸賦得松
字

一曲莓苔地風光屬老慵稍除䟽冗蔓畧植典刑松
徙石雲紋出移花月影從買時纔數本栽處已三重

紅葉剛遮砌高枝未掩筇
翰唯求老健姿不取纖濃
雛筍猶呼鳳稚藤也學龍
夜堦雲泠泠晴檻雨淙淙
障日聊鋪葦防衣且益封
公然藏小鳥亦自集閒蜂
分翠來屏扇流香撲酒鍾
折攀愁楚女澆別倩吳儂
景入卑條画清連恠石供
幽竒無大小袖裡九華峰
惠安伯園亭看芍藥開至
數十萬本聊述數絕
以紀其盛兼贈主人
看罷南徐紫錦堆釵亭碧
股又催開旋心纈子紛難
識喚取維揚舊譜來

二

雪色玲瓏照地華飛觥走兕疾如車
等閑倒却春三甕未了東軒一角花

三

百千新艷一時開那遣花妖不下來
好與扶筇枝上去花頭處處有樓臺

四

花勛難樹亦難酬炙雪澆風老未休
給與掃香十萬戶靈芳國裏霸諸侯

是日所見皆白樓子仍爲七言近體以紀之
僊葩亦自喜樓居嫩紫妖紅總不如灑灑水翻晴雪
後兜羅雲沒曉峰初誇多屢向交遊述遞遠頻登好
事書是我眼慳嘆未有主人元只比蔡疏

湯嘉賓邀同顧升伯李長卿唐君平遊草橋別
墅

郊居絕勝午橋莊南客行來眼亦忙馬上乍逢蒲葦
地夢中移入水烟鄉疎林透戶涼風出翠葉平池急
雨香危石幽篁相對冷一庭清影話瀟湘

五月十二日退如生辰蒙以詩見示聊述二章

奏報

關侯以次日生又
五月十三日醉日

菖蒲弄碧柳垂軒過雨閒看蛺蝶翻喜與老髯爭一
日好同醉竹倒千樽身依紫省黃樞地夢遶青菱白
藕村門下校書真女史吳綃親寫佛前幡

退如有燕
姬工書

二

睡闌日影度疏寮廿載 君王罷早朝安石榴開紅
照地御河水釀綠平橋花前曉珮聞燕語醉後春雲
夢楚腰近日蒙莊通大旨閒燒藜火注逍遙

和退如初度與客談僊次韻

竹樹森疎翠遶身與君連日生花茵樂邦有宅慙爲
主僊路無程醉是因正好同看雙舞袖何須高着九
陽巾直消數幅梅花紙便作華胥世上民

夏五望日興德寺紀遊得興字

麴侶爲前導僧雛接後乘城中十里水世外一行朋
似眼初除翳如禽忽去矰摩苔因看碣敲盞爲呼水
松老前朝狂編遺手記曾倦來披數帙興去躍孤藤
鄰竹幽堪借古槐醉可登溪光時載郭杯影忽沉僧

雲片輕綃歛天容定水澄稚兒行趁蝶髯客坐驅蠅
蒙密蒼枝覆晶瑩皓魄升甕開新易水瓶煮舊宜興
梵集諸方磬波然萬室燈月尤增瀲灩風小露威稜
乍入宮荷氣斜分霧樹層涼衫輕魯縞時品薦吳菱
互立談門戶旋刊酒準繩杜康將佛事莊叟作魔懲
近水終憐鷺飛槍且笑鵬思光空任誕求郡復求丞
湯嘉賓以使事入江西將遍遊諸名勝詩以送
之

碧渚蒼雲路長帆幾葉還趁秋行九子攜譜看廬山

採藥靈溪見映花石戶關孤藤雙竹屨聽盡水潺湲

二

亦解驚人語于君數倍難片鱗猶變化尺水尚波瀾
萬卉經春爛千山過月寒欲知才大小試取昔賢看

三

九派潯陽地寒潮一葉通少年姑狡獪太古石玲瓏
觸路飛泉雨捫碑恠穴風到時秋正老江景繪丹楓

四

攜去山盈袖書來墨滿巖嵐光疲瘦僕泉水洗塵衫

識徧金仙侶搜殘玉簡函楚雲青咫尺漢水莫停颿

時嘉賓將入漢陽吊蕭仲子

早起入

朝書冊午間衝暑走城外別湯嘉賓

晚赴劉元定飲時諸公已半酣賦得原字

曉出銅龍署暮歸曲水村座涼心乍貼觥亂飲初喧
妥尾筠侵閣長頭客在門公然去巾屣奴態亦堪原

集元定行記齋再賦得原字

淨綠無餘地鮮芳綴滿盆風迴香出苑雨洗碧澄軒
滿壁長林字盈襟易水痕客來談白傳書去覓青原

破竹齋集 卷一
托疾常澆藥無憂亦樹萱幽絃清入澗淡墨遠成村
見酒猩猩態憐花栩栩魂階前三石甕座上五方言
難至窮仙朔杯行詭贅髡聞歌半啓靜得采一堂喧
怒若乘秋鶻競如渴水猿瞑朝時錯亂醉醒客更番
戶小停詩罰籌多訴酒冤語深僮僕寐觴苦教條昏
入樹河垂沒亞枝鳥漸翻歸途傳遠炬鸞衛已阿門
元定齋不甚寬而布置有態器具亦精餘興未
已仍用原韻賦贈兼訂後來之約

莎徑荒才翦叢稍影漸繁山苗分祀菊鄉信覓蘭蓀
碧篠蟠爲几黃蕉掛作門卷中流峽水屏裡識湘源
引月來陽樹邀風入淨軒摩鍾絲蠶出洗硯黑蛟翻
戶識王恭雋家憐次道温清談還正始近體襍開元
問衲騎頻去呼兒鳥忽言蓮苞収茗葉綺石養蒲根
官長衙叅少山林奏記煩團參克午飲瑤柱出常殮
殊域皆鄰里時賢盡第彘酒鎗貽子督石墨徃平原
筭口常先鶴鋪糟不忌豚思光鷺羽扇弘正犢皮禪
周弘正夏日
着犢皮禪
庭卉非時爛鑪波徹夜喧星飛銀不落
炷老鐵崑崙採藥朝朝舌登山夜夜魂易求王烈髓

漸了尚平婚會意成三笑歸憐買一村他時烟壑底
洗足聽清猿

夏日城西月張園看荷花得蓮字

曉起聞兒說隅西已有蓮幘猶懸壁上屐已躍門前
樹接宮雲近花藏廟市偏魚行清冷澗人語綠沈烟
露葉無多綻風香繞一屢徧呼荷蕙侶馳與蠟紋箋
任意巾衫去隨身酒盞傳題詩新滌硯洗茗自澆泉
有壘微添石因窪小作田涼風吹面盡明月到堦全
鷗鷺歸閒地栢棧屬冗員聊爲避暑飲拚了月支錢

夏日城西園亭聞蟬得陰字

清響徹平林雲深樹亦深乍聞心爽豁蠲盡午昏沉
琴裏高山韻詩中瘦島吟鄉園頻夢爾十里柳湖陰

二

未曾離溽暑亦不到雲林坐覺暄涼變遂令院舍深
聲來如遠壑宿處必層陰燕子與黃鳥難除閨門音

三

雖在高雲地長懷冷石心羽流分體魄騷客與聲音
竹栢風相亂笙歌耳可箴如何君與我俱不守長林

客有贈余宮燭者卽席同劉元定方子公丘長
孺陶孝若賦之

刻鳳含魚吐春燄只擬蓬萊天上見綠綵方底散青
烟一朝別却宮雲面不照明璫翠步揜書帷自剪讀
離騷捍撥春雷罷不聞細雨珠花滴小槽韓家燈檠
夜相伴離離朱粉烟黃卷瓦甌石臼竹方床上有羅
文折角硯莫道不如宮裏時高齋守盡蘭心茜邯鄲
才人嫁廝養猶勝閉置閒宮殿栢梁宴罷霞成堆昆
明池底夜珠來紅膏自羶不得近阿監但掃沉香灰

汗花凝滴雪珠膩蜀葵粉濕青虫醉一石酒盡尚留
髭扇婢甕兒爛熳睡燭龍傳語九微光輸盡婪杯老
閒吏

宮簾

并刀剪出淞水紋黃琉璃滑淨無塵華清日高海棠
睡一片溫玉沉秋雲花房晝脫守宮的珊瑚反掛瀟
湘裙掖庭展轉出坊肆餘脂猶在香氤氳腐儒白首
青蒲薦十度摩挲眼驚見寒色平鋪四丈餘虛堂盡
歛白紈扇骨冷魂清抱雪眠夢回每出松風院少陵

廣厦千萬楹白家大被蓋徧洛陽城安得此席如此
被眠盡西華道上塵土熱中人肺腑如水舌不鳴三
空九陌殷雷聲

夏日劉元定邀同顧升伯沈仲潤李長卿丘長
孺集城西荷亭是日熱甚得暴雨乃解

火龍吐燄燒青槐繁鱗挾日戰雌雷黑雲蟠墨濕崔
嵬兩頭未展風脚回羊角直上旋飛灰鳴階稀點大
如盃潑天猛溜破枯苔千荷葉翻淨綠顏跳珠排沫
紛喧逐飛瀑出屋車齒街鬚虬十部影鬚鬚鱗甲縱

刃相摩推匿床抱柱走童孩舌齧雖張耳不諧破屏
障身肌粟堆半臂未到聲頻催高堂虛冷無餘埃蠅
凍不飛棲梁煤平頭次第陳罌罌黑岑牟進羯鼓開
胡粉假姬上塲來宮紗淺袖雀頭釵當筵一笑紅玫
瑰蓮花過酒香流顛錯觥杓籌迭排詼餘枝滴瀝落
生梅門外青波沒馬臺

文皇舊鐘 卷一終

主蘇門衣青文文黑臺

與畫亦畫香流颯靜娟香篝共持鴉繪外商甄蓉
賦似知歌一謝來宮絲炎酥畫煎趁富錢一美珠文
東不深對深熱平煎穴策刺罌罌黑岑年豈蹠楚開
勳良朋栗對半臂未怪羣夢漸高堂宜今無翁對賦
及酥翠對習寒酥卦去童夢舌豔雖聚耳不滿如耳

袁中郎破研齋集卷二

公安袁宏道中郎甫著

繡水周應磨九真甫校

萬壽寺觀 文皇舊鐘

先皇舉手移天轂無冠少師鬢髮禿已將周孔一齊
州更假釋梵庇冥族鎚沙畫蠟十許年冶出洪鐘二
千斛光如寒澗膩如肌貝葉靈文滿胸腹字畫生動
筆簡古矯若遊龍與翔鶴外書佛母萬真言內寫雜
花八十軸金剛般若七千字幾葉鐘唇填不足南山

伐盡覓懸樵諸葛廟前刈古木震開善法初利宮撼
窮鐵網蓮花獄鼎湖龍去幾春秋二百二回宮樹綠
蒸雲炙日卧九朝監寺優官誰敢觸大材無用且沉
聲吠蚓啼虫滿山谷 今皇好古錄斷溝琬琰天球
充黃屋十龍不惜出禁林萬牛回首移山麓滄海老
霆行舊令洛陽遺耆開新日西山但覺神奸潛易水
不聞金人哭道旁觀者肩相摩車騎數月猶馳逐翠
色蒼寒欲映人當時良匠豈天竺萬事龕踈誰不然
今人不堪爲隸僕興悲運慈又一朝萬鬼如聞離械
枯幾時諫鼓似鐘懸盡拔蒼生出溝瀆

蛙飲歎

衆蛙強飲角雄雌怒顙鼓腹入清池池面不減一涓
滴千衆蹣跚醉淋漓學宮老儒課童子長頭短項呌
相隨蒲根荇底互嘲笑我吻猶燥汝不支白龍魚服
過而語汝輩雖飲奚以爲衆蛙曾怒呼其侶波心跳
擲如熊羆前驅大腹後丁尾鼓角雖雄劔戟疲白龍
一呷池水渴諸蛙駛愕號且馳聚族隱姓入汙泥羞
教東海見涔蹄

賦得朱華冒綠池

曾見雲錦光明地
花朵雖繁無生氣
又見楊妃出浴
圖未離宮粉香奩
意花意高潔
水清冷色態兩絕非
濃賦坐看風曉月斜時
柳妥烟沉天欲醉
不放玻璃光
灑灑高窓低箔如茜染
辟如新晴水碧天也要紅
雲亂粧點

雲起樓爲徹如賦

白雲縹緲如仙客
只在軒前人不識
高人與雲若故知
近固追隨遠亦得
鬢髮人物偶爾成
豈有神情與

香色泊然一以氣類從
如磁與鐵自相卽
主人玉女潭邊住
樓居正直高崖處
赤欄翠竹與山平
便是孤雲來去路
朝隨馬跡渡頭風
暮宿罨畫溪上樹
雲耶君耶遞爲主
茶烟濕處飛泉怒
雨中自有徐熙山
秋來忽遇王維句
只今長安浩浩塵
雲亦隨君馬上去
西山逼眼萬螺青
是中應有雲流寓
東華舉首卽重霄
垂天漠漠如飛絮

夏日過葡萄園賦得薰風自南來

移席就佳蔭
蕭散去巾帶
南風倏然來
令我意通泰

是風如好語妙契心所會又加渴時泉一啜沁肝肺
是風何所有涼雲與清瀨雖然經市囂泠泠意自在
禪宮有廢圃植槿以爲柴虛曠多容風雨具不須貸
爾我雖云貧尚能施掃灑更施無繫心鼙聲震地籟
與曾退如過葡桃園話舊偶成

問我低回何事十年夢到胸中今日兔葵燕麥當時
秋雨春風

二

古井已無完檻石榴依枝莫道故人如夢夢中

却有長時

三

鶴啄苔而不去僧振袂而相迎少師影堂塵掩古佛
緝殿草生

四

葡桃閱人幾載衣縑量去三圍不放雲烟沙漠焉知
鴻鵠能飛

張元平小像贊

和馬而披春雲秀焉而立遠嶠蕭然頤頰者如倚石

之踈竹而爛焉筆端者如冷風之號萬竅客見而問
曰此江左之士歟抑山畊而雲釣者也曰非也有其
調

送曾遠生進士左遷宜川典史

百疊青山亦起瀾虛空讚毀豈相干幸逢梅福稱先
輩却喚陶潛作長官溪雨松風聊簿領雲心石面且
衣冠何妨蓋屋來仙尉便作集賢校理看

戲作三星行送曾子野歸楚時予亦將歸里

石公先生汝生以鄭爲宅以水爲度眠龍痴蛟鞭其

尾而不飛唯有蟄龍聞雷而起仰天滄滄如有訴所
樂者瘦壤清泉所吟者溪風月露有竅無心何所鬱
以鳴不過感時觸機如風行於空而萬竅自怒隱流
緇客目爲山中之韶護識者又以爲偏枯冷淡似於
陵仲子之清軒轅彌明之句石公撫几而笑曰曾君
汝豈敦煌之索平原之輅長安冠帶隘巷陌而相求
胡爲乎逐西風而遠去君旣脂車余亦戒路望江上
之青峯指湘臯之紅樹漢沔相踞一衣帶水埃君于
油口之渡左公城外綠刺天便是巨擘高吟處

巨擘
擘之

者大

與元定孝若同話歸計用扇頭韻

墻東何意獨違時峻坂飛馳夢亦危青艸渡頭多少
浪白雲高處有無岐閒思短櫂歌漁父靜抱幽絃問
子期且與提攜山上去不須瓶耻始揚卮

苦雨吟和曾退如

陵雨無朝夕呻吟益病妻床頭新墁落竈下老嫗啼
一室均堂芥千家亂水畦侍兒持茗語蒲褶袴花泥

二

舊勢將排砌新痕又沒花街頭眠野鶯窓上語池蛙
古佛龕生菌嬌兒面有沙東齋無額字便可喚浮槎

三

似道雷焚火又聞水決墻哭聲來遠巷昏火照方床
小屋葦簾破鄰家蒼木香兒童浪驚喜簷底有微光

四

莫是天家樂輕聞下土哀九州吹立水萬部役雕雷
地遠聲難徹閭高喚不回巢居與穴處曾見有唐來
秋日苦雨和退如太史

積雨如山卧不知閉門猶自寫秋詩高齋束笈安文
几侍女乘橈過酒卮麓處也應無燥地巢棲未見有
安枝題書爲慟東隣子夢裡分明擁蔡姬

其二時七夕
先一日

霆轟電射不終朝何事陰淫怒不消樓上女兒齊浣
麤宮中銅狄盡浮腰漢官着笠趨龍尾河鼓張油度
鵲橋大道狹斜俱眼底那堪十戶九蕭條

其三

河漕西下沸如湯驟雨那知觸禁墻金馬門前泥沒

象銅駝陌上水平坊千家燈火然陰壑五夜哀呼徹
未央縛竹爲簾通市口大都風景似南方

其四

家家釜裏看游魚壁落都空那可居遠覓瓜梨分孺
子共租樓閣展圖書哭聲斷處唯空巷客夢還時想
故廬憶昨柳浪亭上水湖光千頃蕩芙蓉

七夕同方子公蔣子厚弟小修避水長孺樓居
悔逐緇塵帝里遊除君何處可消愁蚍蜉失土先謀
芥野鶴移家亦傷鷗稍質衣衫充酒品盡搬香茗在

書樓簾開忽見新晴月又到黃姑織女愁

爲耿華平題先公冊先公居江陵時以繡衣直指錄囚不及格被謫

手操丹筆淚沾巾活却梧丘幾許人韓朗大名爭日月贊皇遺怨竟灰塵家貧自許門容駟國瑞方知種有麟試看成蹊桃與李寧同枳棘一班春

劉元定齋中別諸社友時余有內人之戚

一竿直出帝城烟馬首飛塵僅一年倦鳥早辭燕樹雪閒花又上武谿船伯鸞未得借妻隱和靖終當伴

鶴眠白盡頭顱應不返青溪山下有鳴泉

中秋泊潞河看月同子公雲影賦

時余方悼亡

秋樹泠泠白添衣也覺寒如何今夜月不共昔人看客路風停閣民居水破殘那堪更值此衰艸漫流灘

其二

萬水千山路羈魂來不來雙籤題姓字兩處送錢財風葉牽鈎幔寒花背鏡臺思量具杯酒有口向誰開

其三

亦欲消孤悶其如不去心稚兒神慘淡病客語呻吟

野戍風傳柝空艚火隔林更憐明月裡尚有獨飛禽
其四

道侶前寬解君深天竺書我心自檢點試比毘邪盧
法喜妻辭世散花天異居任他金粟老亦有淚漣如
潞河舟中和小修別詩次韻

鶴老翻辭侶松寒乍剪蘿孤舟將幼累北海望南訛
亂葦藏村社枯槎卧古河所嗟人異路不畏客程多
其二

昔日饑寒坐淒涼無一存去花難返榭好月不留軒
崑手衣猶在齊眉案尚溫一門新舊鬼強半北方現
其三

一慟出雲堂秋高雁影涼容顏漸朽謝恩愛日銷亡
竹老湘君廟花深油水陽解君舊篋筥擬買白蓮莖
其四

欲覓藏身處瞿童路上尋魚寧愁水濶鳥豈畏山深
秋葉紅霜寺春苞紫筍林辟如縱鸚鵡未有戀籠心
其五

少謝人間事歌壇與舞筵有山皆種竹無水不栽蓮

見死知生苦因緣識道緣一杯從惠遠白社問諸賢
其六

江柳江楓道秋來倍損神瓊花撩怨客香艸夢離人
白鳥誰非故青山不厭貧陶朱吾可學鑿水養鯢鱗
其七

客路雖云苦烟波亦自清雲開九子近月上五湖明
石壁同僧看花坊信馬行家緣無十口少累省憂生
其八

第也檀州去征南尚可依青油寒夜醉画戟曉風威
塞州鞞鷹疾胡天字鳥飛吾廬行信美鄉社幾時歸
其九

小艇烟江雨長堤柿葉霜一洲魚子市千樹木奴鄉
客去尋空谷書來話酉陽繁華銷枕上家近呂仙堂
其十

禪味爭如醉無何卽是鄉休心爲麩蘗省事作資糧
慢世稍同朔絕交亦似康東臯猶滯酒余乃醒而狂
衛河道中和丘長孺惜別絕句八首次韻

墜葉驚沙積蓼窓射波寒月影幢幢此身恰似淘河

鳥纔過南江又北江

其二

擬上青霄別有關身無健翮莫追攀而今已是孤飛
鶴毛羽摧頽返故山

其三

辭却墻東好里鄰思量來嚼浩衢塵素衣變盡衰容
減到底還他赤骨貧

其四

琴絕休悲大小絃長貧長病豈須憐朝春暮續生尤

苦爭得魂歸自在天

其五

長孺旅寓為
先伯修舊宅

陌上秋風吹冷埃西州門巷轉堪哀梨花殘落刺刺
死每詣君時哭一回

其六

柔櫓輕風覺有情月高牛渚看潮生江神木客爭傳
語可是袁家舊阿宏

其七

耗盡雄心鬢亦皤灞亭無柰尉誰何珊瑚百尺根株

老不信天家無鐵羅

其八

別淚如傾祗賦詩更無一物可相貽自矜亦識汾陽
老眼底無君劔豎眉

和曾退如別詩次韻

茂艸長林不共棲孤燈寒箔影淒淒鷓鴣死去猶嫌

北鸚鵡道成必向西

李安人念佛
求生西方

其二

白傅可能無舞女高柔那得少賢妻柳浪湖上君來

日把酒唯聽一箇鸚

退如未句云歸去湖亭先

問柳雙柑吾肯負黃鸚

滄洲逢瞿太虛運使問及近事偶題

問我京華事動君一日愁添多新世態無復舊交遊
北寺涼陰盡西堂講席收烟光逐日改那不念歸休

其二

白恰生蕉屨知君亦悼亡憂時心耿耿學道鬢蒼蒼
老衲同三昧稚兒守一床所慚不共隱魂魄滯他方

德州舟中逢沈何山

鬢上微添雪衣間亦有塵俱為行役客孰是自由身

處世真妨達歸山無那貧且收魚鳥韻檢點作時人
其二

敢謂馮唐老爲郎十五年不因君濡滯那與我周旋
歷歷分行樹匆匆兩去船此心無近遠月在浩池邊
偶作

爲道知難進求閒亦未成憑將無益事娛此有涯生
見水移觥去聞山背襪行感時多長語虛竅偶然鳴
畢少叅舟中見武錄知丘長孺被落詩以悲之
鞭策麒麟柴車下疾走不能先駑馬客座見書身毛

寒瀉水高談爲君啞穿楊萬輩豈易君胸中竒麗如
春冶早知大黃亦悞人悔賣囊中未央瓦嗟乎長孺
臂在身韜在腹彈射百家蒐九流驅使鬼毫如箭鏃
下邳舟中和子公

飛雨濺窓濕衣寒擁敝禪所憂唯臘近最苦是茶渾
只有飛沙市更無啼鳥村兩漁相對語舟繫古槐根
宿遷道中阻風和方子公

黃河水濁如泥注曉起顛風欲斷渡白頭舟子斂手
愁黑霧籠竿大王怒黃熊廟傾庚辰死潭底獼猴鎖

不住龍驤萬斛掀一毛恠鴉作語灣頭樹我告舟人
亦偶然神靈未必苦相怖驅風走浪乞羊豕神若有
知神亦惡僧伽古塔向來靈月下心香聊一炷假寵
乞憐非我心何以供養唯無懼人生禍福有前期辟
若古郵亭上路

集平山堂用平山字爲韻借遊者方子兩謝生
也

衰艸亂畦平長江一綫明雲開智者寺山表潤州城
萬井晴霞氣千幃晚吹聲隋宮何處問荆杞傷墻生

其二

大業空遺事披圖咫尺間斜橋興廢水淡墨有無山
野老畊香澤妖狐學黛鬟荒亭猶故井馬上挈泉還
遊金山寺見舊作有述同遊者兩謝君方子公
張明教及童子二仲也

壁上苔痕字回頭十二年方干猶眼底江令是生前
童子來扶杖山僧試煮泉浪中驚準出塔下古蛟眠
駭目洞心處危藤峭石邊無栽慈竹地有縱怒鵬天
一壁雲皆碎千溝瓦忽縣波涵萬里月石老六朝煙

楊子來歌吹南徐闕井厘萍飄建鄴鎮豆許海門船
鯨鬣遮晴島珠胎射綠淵雲堂招賈客鹽鼓供朝賢
夜火朝嵐市風枝木響禪山中無印老休舉帶因緣
過三橋莊莊在真州城西余舊遊地也今屬潘
稚恭

江上喧闐甚城中乍解驂坊趨芹社北水過石橋南
丫路今猶識枵楊舊亦諳未曾添屋舍稍覺足雲嵐
鶴立琴臺石鳥巢回舫庵長廊安棊几斜幔隱書龕
碎影柯枝亂疎行竹栢參差花防鹿踐細果畏禽含

奕客頻留勢騷人每過譚解空猶負墮高戶也沉醉
幽意關魚鬣新思類繭蚕起居凭鄴架來往借陶籃
地暖溪毛翠日和林鳥誦江南山信美隔水看堆藍
鄒子尹偕僧秋水見訪門者不知却之相見乃
一笑

幾失孔文舉驚逢禰正平雲澄天自澈月上海先明
渴驥聞泉喜孤鴻見侶鳴昭文琴自好無那有虧成
丁未初度泊池陽自壽兼憶李安人

溪頭微雪點踈松睡起開窓對遠峰誰寫畫圖來壽

汝謝家江上九芙蓉

四十年間火宅身思量何事不飛塵而今欲學臯橋
隱少却堂前舉白人

舟中聽王姬彈琴

懶把腰肢學小蠻涼雲初月淡垂鬟
攜君却好青山去三峽流泉在指間

雪中看山二仲呈詩一章後來似亦粗能者喜
而有作

一生痴計是雲烟五字吟成雪滿顛
老我已非前赤壁稚兒那得小斜川

十二月十八日至蘄陽舍舟從興國走咸寧道
出金牛鎮山路如刀脊飛雪浸空輿人艱窘幾
不能步然千峰綴雪或如鴉鷄或如積瓊亦行
役之一快也道中隨事口占遂得十六絕句

江行值逆風陸行招雪雨何適不艱難
弱夫挽強弩

二途中有感
憶李安人

袖裡藏香茗橐中具糗糧出門無一有
始覺老妻亡

野竹根連石村姑語帶蠻役夫前指我此是小丫山

四

壁上烟森森道旁石齒齒舉頭不見人但見前人履

五

皂衫如伏鹿石底蹶而起壯髮小平頭霜鬢老掾史

六

懷吳明卿先生及仲子
阜倩仲子客死白門

恠鳥啼空樹斷雲愁暮山可憐季子子死彼博羸閒

七

出興國雨至
中途始雪

淋淋瀝瀝行仄仄嶮嶮遠此去浮屠街二十四泥坂

八

曉看烟林青暮看雪嶺兀似我苦征人立時換白髮

九

莫嫌馬沒蹄莫怨車泥轍比作看山人孤筇穿嶺雪

十

至大冶

千山照平湖城在湖波上前途一髮行斜繞屏風嶂

十一

好在宮台里山高水亦環兩崑陟絕起更好大雷山

峯峯雪點綴曲曲水蒼寒却似曾經眼王維面上看
十三

人行嗽嶺上時與岩相突馬落溪橋間忽爲雪所沒

十四

酸呼復快吟役者哭且怒我是好琴人那知黃栢樹

十五

惟石與危岑山神勿相試我行慣險難歷盡風濤地

十六 憇泗州寺寺在金牛鎮

豕繫天王座烏巢大士冠鷄棲爲市井鹿柴作門闌

雪中投宿棲隱寺寺去大冶五十里在亂山中

下馬歷巔岫晶晶四壁寒山門雲占斷佛舍雨澆殘

茶好臨泉試 寺有栖隱泉 松宜帶雪看軒窓無一可孤負

此峯巒

二

岩戶何人啓泉聲只自聞夜澆盈衲雨曉糝一犁雲
野筍呼雛伐山苗帶子分會須知此意禪講也輸君

三

細數高低嶺間詢遠近鄉山烟隨澗出松火隔林香
雲冷莓苔殿雪封蘿薜墻里門通德近誰與關荒涼

寺近余
司徒家

立春日金牛道中

田夫輟耒耜紅女停機梭士人廢簡編官吏罷征科
商賈離廛肆漁家收釣羅余獨何人者峻嶺與危坡

廿三日至蒲圻謝中丞出迎時年九十二鶴髮
丹容尚能騎乘真人中瑞也口占二絕以紀其
盛

一行旌節萬人從爭看前朝老卧龍杞梓梗楠俱朽

盡就中留得兩高松

是年存問畢少保畢
號松坡公號松屏

二

曾看滄海化紅塵雲過沙飛闕世人便是聖朝祥瑞
物何須芝艸與麒麟

謝公伯子京兆君時年七十趨走膝下有若稚
子凡謝公拜起俯仰皆京兆君扶之

碧瞳紅頰照霜明尚父前頭倚杖行七十老翁猶膝
下爲人爭不羨爲兄

天寧洲逢老僧一百一歲

一寸着垂霜覆肩額光如鏡語清圓南山坐閱松株
老不上曆頭四十年

二指武皇南巡

開元天子最風流曾見南巡錦幄舟樂大也知非証
語老人大父昔同遊

二老僧與余同戊辰生

問年知得是辰生甲子校君少一更過去一般無影
跡何妨呼我作同庚

江上見數漁舟爲公卒所窘

釣竿拂曉霜衣薄蘆花絮一畝不籍官也被官差去

二

浪道漁家樂供輸亦未閒君欲長安穩隱于徒隸間

漢陽過王章甫葵園和二仲韻

戶外卽遙岑寒香漸出林增池緣畝澗疎竹爲庭陰
煙雲裁爲句風泉寫入琴欲知桐性老火裏試焦音
早春過葵園次蘓潛夫壁間韻余往過此八年

矣

高齋只在郭門間
世外佳人共往還
老去心情渾念水
重來竹樹已連山
幽花近暖爭先發
好鳥逢春盡不閒
別後新功何所驗
臨谿且照舊容顏

舟中除夕憶李安人

客裏逢除夕
燈前少故人
乍如雲沒海
忽似影離身
浦褶衣衫淚
半年河渚塵
井枯泉脉在
棟老燕巢新

元日登王章甫水明樓

經年勞碌馬蹄間
久客雖歸也不閒
爭似水明樓上坐
浪花影裏看春山

二

雲山雖近不相親
草色烟光各自春
若欲讀書我從仕
何曾真作看山人

登晴川閣望武昌

霜崖突出蘚紋斑
鐵笛臨風去不還
百里帆檣千里水
一層城郭幾層山
遙知鬱鬱葱葱地
只在熙熙攘攘間
沙鳥窺魚鷗覓渚
試看何物是清閑

偕王章甫陳公弼登黃鶴樓

時章甫子宜卿及兒子二仲皆從

江流千頃蹙雲烟
樓閣雖高不似前
画板朱檐遮取

盡爭教容納好山川

二

兩家稚子共追隨似我與君初上時松老石欹樓亦
換可容玄鬢不成絲

王章甫送余石頭口因共遊赤壁章甫將歸讀
書九峯山詩以爲別

小舫沙棠檝磯頭試一遊偶然偕郭李不是吊曹劉
山色當陞出江波載世流沉沙無折戟應已化漁鈎

二

晴柳烟江路幽探喜共君昔眷風歆鳥翮春水玩魚紋
石老猶含態蛟閑不起雲沙頭尋鷺侶且莫話三分

三

一棹別烏林高雲去去深易銷唯黑髮未了是名心
沈墨桐花下讀書石壁陰明年定傳寫千紙滿瓊琳

柳浪館襍咏四首

絲壬寅夏作

柳匝層層水花紛曲曲堤古藤隨意拙熟鳥任情啼
寄客詩題嶽招僧語隔溪菱蒲分外長漸與竹欄齊

二

偶然修竹裡新鳥一回聞鶴下翻盆石僧歸語嶠雲
縱風生水態任月織波文莫遣鷗鳧去頻來只有君

三

饒水饒烟地臨花臨柳居經營成淨社穿鑿架僧廬
小作畚唐像閑堆農圃書主人葦血斷鶴亦念溪魚

四

齋閣行將近迂回又隔蹊八窓中遠水萬柳外長堤
鑿曲添魚舍菱枝減鶴棲無人殘暴汝宜近亦宜低

袁中郎破研齋集卷二終

袁中郎破研齋集卷三

公安袁宏道中郎甫著

繡水洪夢錫嘉名甫校

過藕花莊

深院竹編牆叢梢若箇長入門溪雨濺蒲路麥風香
好夢因涼得閒愁到水忘因循二十載未到藕花莊

途中口占

八月離長安二月返鄉社啣泥雙燕兒依舊簾櫳下

二

二月返鄉社四月卽長道兒童隘巷觀高士隔溪笑
三
辛苦老魚軒廿年同道路今日白楊村卿留我獨去
峴首山觀羊叔子墜淚碑
欲知叔子思多少但看龜趺碧淺深銅雀臺中歌舞
妓那能揮淚到如今

夏日同顧朗哉居士王遺狂遊謝公巖主人于
野宗侯留飲共賦得途字中字

只有烟林在王家一事無到門維蘇石對語畫山矐
路失雲相引厓欹竹可扶看人車馬去塵起是修途

二

莫損莓苔壁長留翠倚空雲能供點綴石自解玲瓏
泉落當窓逕香生渡澗風樓臺杳何許樹影有無中
夏日馮明甫郡公招遊謝公巖同顧朗哉處士
于野宗侯劇飲分韻得千字

刻秀堆嵐歲幾千而今始落酒卮邊洞中歌板疑雲
出石上觥籌似水傳山簡韻高無政事羊公才大小
詩篇兒童拍手攔街語老守風流勝昔賢

即席用韻贈于野宗侯

買却青山一段烟甕中光景任流連但同習郁醜池
水不向君王乞酒泉

于野酒戶不減汝陽

緗帙未離繩几上白

雲只在枕函邊碧瞳羽客間來往日課靈文字五千

又贈朗哉仍用前韻

回首春明話昔年因君忘却路三千銅鞮陌上穿花
出峴首碑前枕石眠醉後書顛如長史老來詩淡類
斜川楚人調澁無佳韻好譜離騷入管絃

博望驛

荒烟殘戍幾家村庭鎖蒼苔古木昏不恨君家開遠
略恨君尚未識崑崙

王郡丞邀飲陽和樓

青天一碧翠遮空浪捲雲奔夕照中郭外荷花三十
里清香散作滿城風

二

十丈朱旗照水般家家簫鼓樂江山千峯如画供杯
酒不道清時是等閑

中山劉刺史邀飲西溪

碧樹深深帶水斜門垂果實類山家攜將千日中山
酒來醉西溪六月花

過中山見諸名蹟題清風店壁

中山酒可飲塔可登朝川翠竹風稜稜東坡瘦墨如
健鷹唐封古蹟石峻嶒刺史愛民慈且能朝看青山
夜抱冰

登定州開元寺塔同王遺狂

孤塔三千級俯身見鳥過但知天濶遠未許岫嵯峨
鈴語聞沙寒燈光射虜河昔賢誰眺此韓宋與東坡

二

我醉中山酒興衰渺莽間宋家遺塞壘唐典舊河山
破壁風雷出空堂燕雀還莫言無外警西去卽層關
中山觀長公雪浪石

銀鈎錯落繞盆唇適時燬禁石僅存岷嶺積雪裹玄
雲坐令靈壁羞季昆黑山夜渡蛟波翻飛濤挂壁天
迷昏漩流入眼風生痕一洗河北印板紋石中應有
道子魂

七夕招黃道元丘長孺陶孝若張伯實王遺狂

十弟平子飲小齋得衫字道元先以詩來率爾
奉荅道元永嘉人余時以儀曹改司封

掖門清露滴松杉暮直歸來口尚絨斜月乍臨移酒
盞涼風忽起換蕉衫桐江我記從前路鴈宕君居第
幾岩官舍未容投轄飲誤將塵土換冰銜

中元日夜歸卽事仍用前韻

葛巾脫去鬢如杉又艸朝賢牘幾緘竹裡乍香新茗
椀榻間猶藉舊荷衫空窓月色霜流地半夜桐聲水
遶岩天駟豈能容野馬身無羈絆口無銜

重九日登釣魚臺限韻

卧柳侵官道長堤接古墟官斜十里粉画壁一枝蘆
白果將垂砌紅蕉半掩廬僧貧茶具廢興發酒甌虛
恠鳥鳴空院寒花伴野蔬堦前雲沒岫床下水平渠
淨業蓮花社鄉思柳浪居道玄唯有髮中散竟無書
去矣雲中鵠知之濠上魚

杪秋陪祀

山陵同陶孝若黃道元謝響泉入

僊人洞洞竒絕去馳道二里許

紅葉霜花積幾重青山蛇骨走眠龍伊祈善卷俱陳

迹各向秋雲占一峯

四樂精舍銘 有序

四樂精舍者總戎杜君日章宴坐處也君介胄士而法喜自娛蕭然塵外化叱咤爲嘯歌收檀串爲禪板刺胡頭爲戒珠驅大黃爲筠管身處絕塞而君樂之若花林胥國此其中必有得也抑龐公有言護生須用殺殺盡始安居而阿羅漢一名殺賊夫烟霾未有不風而歛太平未有不戈而定故夫收根塵之賊者亦礪吾般若之刃而已矣精舍標目君所爲題辭甚

具余茲不贅聊述君之意而爲之銘

銘曰鐵劔利倡優詘胡沙平花鳥出錢朽貫介生蟲左匣龍唇右散帙毘邪居士老無疾眉如劔豎髭撚漆雪兒微笑呵銀筆口吐紅霞光照室長箋短幅搜隱逸瓊瑜帳曉忘梳櫛晝倚枯松昏抱膝

三教堂詩爲杜總戎日章

支公好駿馬俗以爲不韻頭陀手銛戈標格乃自儔將軍起馬上鐵腕風雷迅朝踏雪山冰夜眠青塚燐豁然悟無生心花見鋒刃辟如擔夫爭見者筆意進

關捩偶相觸石火不容瞬歸來讀詩書如暗得燈爐
堂堂三聖人同宗偶異胤刻影求飛鴻霧眼自生暈
白水湧冰輪千江同一印

黃竹石入都匆匆告去筵上作詩爲別得丞字
北關何曾過西山亦未登袖中無半刺鬚上有層冰
夢入冲烟鶴書詢過海僧省廬真似水知汝不求丞

竹石曾師寒
灰時在普持

至日集山響齋送陶孝若論祁門限韻

時節回燕谷家山問渚宮頭顱將化雪腰領漸成弓

鄭艸終爲帶楊經竟是虫瓶無濡鬣水筆有怒鵬風
古道冰添石寒崖翠倚楓門前端木過瓢裡子淵空
白脯聊從倍青襟解惱公四箴書兩壁三禮語諸蒙
皺瘦多盈袖芎藭盡入籠廩人供麝墨月俸買肌紅
小史髭皆皓鄰齋耳未聰蕭然心澹遠自振乃孤蓬

又

夢回青艸峽人遠細腰宮意氣爭新鏘文章寶六寸
白頭耽月露蒼簡註魚虫墨老研秦土衣寬變魯風
苔文鏤翠鉞蘭楫繫丹楓山市烟如滴溪潭影似空

飲猿知接臂言鳥解呼公門下疑夫子吳中恠阿蒙
異書搜古穴珎茗出筠籠北海杯中白彭宣座上紅
拔釵妻子怒識字小兒聰著述門常掩微風語斷蓬

又

馬上千盤嶺中山數仞宮詞塲猶負弩文戰忍發弓
韻減石家醋仙成脉望虫長官天子諺鄉里大王風
水影皆潞岫人家盡樹楓燒松雲滿市登閣翠流空
山鳥呼閒客竒峯禮上公魚胞真自別龍尾屨相蒙
謝屐常移齒張髯免入籠夜泉頻點白曉露自研紅

古鼎時留目蠻音每塞聰讀書師仲蔚三徑任高蹤

嘲謝道人白鬚

毳毳霜雪幾經春五十年邊未老身借與城西狂道
士虛添年歲誑時人

二

紫陌飛沙撲面行和烟和雪看春明身無官職家無
媵正好從君頰上生

三

死水仙鉛積許多霜根欲茁可如何若教移去烏紗

底拚買春煤二百螺

四

篋裡無錢買地黃花前雪色照人光
曉窓扣齒焚香罷一盞山中蘆菹湯

蘇潛夫侍御買燕姬爲賦合歡詩

黛螺香裡惠文冠消盡青霜鐵面寒
恰似江南花鳥手画將椒棘傷芳蘭

二

夜深猶未解明璫爭柰呻吟老孟光
蘭火漸昏衣漸

緩袖花微帶橘陳香

三

燈前小語背流蘇偷看封章就也無
花外日高屏扇掩府中未省有啼烏

四

西臺御史氣如雲白簡霜飛海外聞
歸去海棠花下語却防鸚鵡作彈文

上元日同王遺狂過燈市得來字

無復他時意春燈試一來寒株陪艷蓋
老女上歌臺

疾雨檀槽開溫風玉斗催西隣波灑瀨東市火崔嵬
絲竹情終在樽葵眼乍開梁園逢故侶老矣舊鄒枚
方子公自真州入燕客死清源詩以哭之

貧死何足悲所悲爲貧死奄奄一息身奔馳二千里
泣辭鍾山雲夢渡呂梁水百死到清源聞歌猶蹶起
新詩四五帙函封寄楊子蛇蚓不成書獲麟止於此
世相簿屢空冥官豈相禮氣類自呼召徃見東野鬼
羸博卽故鄉首丘端可已肥馬輕裘魂諒非君所喜
聞閣試題爲蘭亭修禊圖效作二首

分別層溪與遠巒天章寺裡雨中看會稽內史風流
甚賴得中朝有謝安

石榻誰知定武訛綻紋猶識舊宣和憑君莫話冬青
樹添得青山淚許多

殘冬選曹乏人戴星出入不覺過春感而賦此
若問曹中事但觀鬢上絲經年未見水初度也無詩
夜月閒杯子春光惱侍兒西郊有遊騎唯汝不相宜
初授司功副郎

舍鍛來爲吏嵇康也未慵帶猶懸素鈔銜得比青松

案牘心先碎，疏題手自封。何年挂神武，買斷紫芝峰。
寒食高梁橋

簿領送春光，鬚眉分外蒼。僧猶憐我老，水亦恠人忙。
雨作青山色，風吹翠袖香。醉中如有憶，艇子上餘杭。
暮春偕蘇潛夫丘長孺李茂實僧寶方雪照出

郭

暮春偕同署諸君子飲郭外
暮春偕同署諸君子飲郭外
苗甲綠畦吐青溪，帶郭斜樓臺深隱。種竹定誰家。
暮春偕同署諸君子飲郭外

滑滑春流瀉縠紋，嵐光映照石榴裙。今朝止許談風
月，何日相從問水雲。細雨乍收山鳥喜，亂畦行盡艸
花薰。海棠枝底烏紗側，未覺飛觥到十分。

暮春同王以明丘長孺蘇潛夫魏二方遊韋氏
莊得寬字

幾葉菱蒲水微風，亦起瀾如何尋丈地。綽有江湖寬
種果栽花易，招鷗引鷺難。輞川如具禮，画裡試思看。

樹歷高雲老，門臨細水寒。亂中時有整，幽處偶然寬。

蘆筍芽將茁檳榔莖漸殘遊鱗真可喜夢不到漁竿

三

徑路微微折亭軒倍倍寬經營百事善物力屢朝看
果稅分時歛茶坊湊水安袈裟幸自樂何苦戀中冠
暮春遊韋氏莊憶十二年前先伯修暨顧升伯
李長卿偕遊此地今伯修去世八年顧李二兄
新以言去古人云未免有情一能遣此潛然久
之

猶記天街白鼻騮出門長是踏飛沙幾年夜雨慈恩

寺十度春風柰子花石火倉忙思駐景灘流清淺夢
移家東林法道衰如許不見栽蓮謝永嘉

送醫者黃生謁東諸侯

橘老柑黃不柰何飄然艇子出烟波而今海上單方
幾王不留行一味多

送從軍羅山人還大足

老去漸思雲水鄉苔斑蝕盡綠沈槍青袍白馬翻然
去念取昌州舊海棠

壽畢侍御兩尊人

花外紅綃白雪垂
豸袍如火映春巵
臯橋祗有齊翁伴
彭澤唯聞歷齒兒
玉樹種成千畝實
鵝雛棲遍萬年枝
黃山石上青松老
閒看仙人數局棋

散木至自公安

江上分攜才一年
鬢如秋艸面如烟
不知老態增多少
但覺頭巾濶似前

初夏偕同署諸君子飲西郊池亭仍用前韻

花時聊復問鷗群
樹有新陰藻有文
且與共聽幽澗水
休教驚散隔溪雲
青衫暫可驅從僕
紅袖那堪對

此君韻遠心空無
一語不知啼鳥欲
何云

無題送顯宗禪師南歸

秋來芍藥已無枝
老去湖蚕未有絲
古井澄瀾乾欲盡
阿誰腸斷比紅兒

又

迦陵命命不同飛
又喜開籠放雪衣
莫向甜桃言苦李
羞將遠志換當歸

將赴秦中同志諸公于鄆外作別得書字

鄆外園林盡不如
水亭香泛綠芙蕖
門前且繫新驪

馬囊裡猶存舊蠹魚華嶽看雲唯自語曲江題壁倩
誰書憑君爲報關門尹不是當時板屋車

借朱非二汪以虛段徽之雨中投興教寺望南

山口占

樹古積苔痕山高晝易昏袖中雲氣出堦下水聲喧
斷鼎殘碑寺青螺紫澗村伊闐叩京尹還我玉峯軒

寺後有玉峯軒宋京兆李公所建
今廢以虛圖復此軒故未句及之

其二

迹往休尋記臺傾莫問年風香來韋曲雪色照樊川

野寺遮紅葉人家住翠蓮隔溪山更好驅馬入蒼烟

其三

檻外卽危嶺烟中跨楚秦石留前劫字洞老別朝人
夏月蓮花雪冬風煖谷春雲深無隙地千里瘦龍鱗

秦中雜咏

荒艸披秦殿秋花綴漢城我行南山道如閱古圖經
遺跡依稀是長老失其名一步一佇思斷壘誰締營
又如稽蠹簡冥搜損心精雖以意推求邊徼非故形
西都賦所載一一盡歆傾飛燕舊舞處田夫扶來畊

沉香舊亭子湖石尚娉婷清風發虛竅其中有性靈

其二

吊古意不禁披榛倚斷枝道逢雪嶺叟笑我真情癡
爾從京師來習見漢官儀未央卽宮闈金馬卽銅墀
團營卽細柳綺陌卽莊逵西山千萬髻終南同崔巍
下有高梁河卽古曲江池瑤臺與金屋所貯卽妖姬
殘棺斷丘壟卽今金紫兒辟彼膏燭光前者已灰飛
後火續新火焰焰同一輝若以天眼觀青艸生蛾眉
飄風過輕雲無事哭荒碑

過華清宮浴湯泉有述

鏡澈古苔光溪風湛碧香花猶知世代水不解興亡
粉黛山川俗煙泉歲月長而今正好景石骨照蒼涼

其二

十六長湯院阿誰似玉環故宮秋艸裡小邑水聲間
童子驅羊去村姑賽廟還教他楊廣笑破國只驪山

其三

過鳥煙中迹回風水
上痕欲知天寶事喚起石苔言
蘭乳飛千殿宮雲遶數村
太真方病齒歌拍且停翻

其四

羯鼓弄伊涼露花石火光山餘繡領字雲洙碧螺香
芍藥留妃子鸚哥說上皇難將脂粉水傲我白雲鄉

其五

鳳靡鸞吡易王圖霸業輕仙靈祠後見笙祝夜深鳴
野火燒連理秋風薦側生遙知石鏡月恨不照傾城

其六

東嶺復西嶺秦鄉與漢鄉古城雲淡淡今古水湯湯
廢址耕斜坂歸樵話夕陽亂亡猶有等最劣是幽王

登泰華絕頂同非二兄賦

入谷非無路鑿空亦有痕勢危攀棘杪力盡憇松根
天上雲烟市仙家水石村悠然見遠古夢裏亦羲軒

其二

愁絕蒼龍嶺苔青萬古銅嶂深憑縷汲棧絕賴枝通
洞隔寒溪雪僧歸石壘風半卷輕四嶽一笑傲三公

其三

只覺川原變寧知七曜同按圖窮大地揅手量虛空
霞過遺仙影雲歸識海風人間三不朽塵裡一微虫

其四

極態窮工出摩天插地孤平開東震旦坐想北俱盧
白石鎚何在青溪鶴也無浩歌中夜月萬里湛水壺

其五

雲懶飛難上龍痴卧不醒巴江寒蕩石鄭火夜飛星
爐滄千年液松留太古青綠霞封石鎖應是護仙經
嶽頂歸至青柯坪示同遊道人

飛鴻是處有遺踪題破蒼崖霧幾重枉把真形圖五
嶽難將竒句答三峯山臞未老身慚鶴雪頂歸來杖
有龍紫蕨黃精君記否鐵犁溝下舊村農

袁中郎破研齋集卷二終



東震且坐想

白石鐘何在青溪鶴上坐常欲守夜月萬里湛水清

其五

雲懶飛流石出洞如神一玉尺六六與火夜飛

爐冷千年雪色寒風吹石上松花白鹿鹿鹿鹿鹿鹿

其一

飛鴻是鳥也一也真形圖五

不請來燕黃蘇岳臨石否懸筆畫千尊林景頂歸來杖



